

Уни яхши кўрасанми?



17:03 / 22.12.2023 4961

Қачон Набий соллаллоҳу алайҳи васаллам бир жойда ўтирсалар, саҳобалар ҳам атрофларида ўтирасар эди. Шундай мажлисларнинг бирида кимдир орқасида боласини опичлаб келди. Сўнгра уни қучоғига олиб, юзларидан ўпди ва бошини силади. **Набий соллаллоҳу алайҳи васаллам унга:**
– Уни яхши кўрасанми? – дедилар.

У айтди:

– Эй Аллоҳнинг Расули! Мен уни севганим каби Аллоҳ ҳам сизни севсин!

Сўнгра бир қанча вақт ўтиб, унинг боласи вафот этди. Ўғлини йўқотган ота маҳзунлигидан Расулуллоҳ соллаллоҳу алайҳи васалламнинг мажлисларидан узилиб қолди. **Расулуллоҳ соллаллоҳу алайҳи васаллам уни суриштирдилар:**

– Фалончи кўринмай қолди?!

Кишилар дейишиди:

– Эй Аллоҳнинг Расули! Унинг ўғилчаси вафот қилди.

Расулуллоҳ соллаллоҳу алайҳи васаллам унинг олдига бориб таъзия билдирилар. Сўнгра унга дедилар:

– Сенга қайси бири суюкли: ўғлингдан тириклигингда фойдаланганингми

ёки куни келиб жаннатга кирганингда унинг ҳар бир эшиги олдида ўғлинг эшикни очиб, сени кутиб олганини кўришингми?

У деди:

- Эй Аллоҳнинг Набийси! Майли, у мени жаннат эшигини очиб кутиб олсин. Шуниси менга суюклироқ!

Расулуллоҳ соллаллоҳу алайҳи васаллам дедилар:

- Сенга ўша бўлсин!

Шунда кишилардан бири сўради:

- Эй Аллоҳнинг Расули! Бу ҳаммагами ёки унинг ўзига хосми?

Расулуллоҳ соллаллоҳу алайҳи васаллам дедилар:

- Ҳаммангизга!

Сулаймон алаҳиссаломнинг Ҳудҳудни қўрқитиб «**Албатта, уни шиддатли азоб билан азоблайман!**» деган гапининг тафсирида айтилган бир ажойиб гап бор: «**Шиддатли азоб»дан** мурод у билан аҳблари орасини ажратишдир, дейилган. Яқинлардан ажралиш катта ғурбатдир!

Ибн Ҳазм роҳимаҳуллоҳ ҳам ажойиб бир гап айтганлар: «**Ёмон қўрган кишингга яқинлашишинг ҳам бало, яхши қўрган кишингдан узоқлашишинг ҳам бало - фарқи йўқ!**»

Яқинларни йўқотиш ғурбатдир. Ҳаётингни ва уйингни шодликка тўлдирган ўғлингга энди ўрганиб қолганингда уни йўқотиб қўйиш - даҳшат. Қалбингга сурур олиб кирган қизингга энди ўрганиб қолганингда уни йўқотиш - даҳшат.

Бошингни силаганида дунёning ташвиши кетадиган, ўзингни унинг олдида ёш бола ҳис қиласиган онангни йўқотишишинг - энг катта даҳшат. Сени суюйдиган, Аллоҳдан кейинги ҳимоячинг бўлган отангнинг бу дунёни тарк қилиши - мислсиз даҳшат. Келганида бошқаларнинг йўқлиги

билинмайдиган, келмаганида эса бошқаларнинг борлиги билинмайдиган дўстингни йўқотиб қўйишинг ҳам нақадар оғир!

Аллоҳ таоло Ўзи билиб турса-да, фаришталаридан сўрар экан:

- Бандамнинг қалби мевасини олдингизми?
- Ҳа!
- Нима деди?
- Сенга ҳамд айтди, истиржоъ айтди!
- У бандамга жаннатда бир уй қуринг. Унинг номини «Ҳамд уйи», деб номланг!

Ҳамд уйлари сабр ва ризо билан қурилади.

Мусибат бизни бино қурилишидан чалғитиб қўймасин!

Аллоҳнинг қадаридан аччиқланиш уни ўзгартирмайди. Юзларни тимдалаш ўликни тирилтиrmайди. Дод солиб йиғлаш уларга жонини қайтармайди. Аксинча, битта зарар иккита бўлади, холос: Суюкли инсонини йўқотиш – бир

зарар, сабрсизлик илиа Ҳамд уйидан маҳрум бўлиш – зарар устига зарар!

«Набавий тарбия» китоби асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2023 йил 7 мартағи 03-07/1506-рақамли ва 2023 йил 24 мартағи 01-07/1959-рақамли хуносалари асосида тайёрланган.